

續修四庫全書

東坡先生全集卷之四

《續修四庫全書》編纂委員會編

續修四庫全書

上海古籍出版社

一四八五・集部・別集類

石柏山房詩存八卷首一卷	〔清〕趙文楷撰	一〇七
尚綱堂集五十六卷	〔清〕劉嗣綰撰	四四九
妙香齋詩集四卷	〔清〕趙德懋撰	五一五
存悔齋集二十八卷	〔清〕劉鳳誥撰	五一五
存悔齋外集四卷	〔清〕劉鳳誥撰	五一五

石柏山詩存

咸豐丁巳冬十月
惠潮嘉道署開雕

序

於時寒谷日短重關雪深羈禽失羣危葉脫樹余亦習習
返照養痾獨居思事披閱彌苦昏眊晁錯從髦期間故得
自口傳蕭繹置左右讀書不妨目疾則有聲同變徵愴甚
哀絃淒戾之音如咽隣家之遂存歿之感悅過黃公之爐
精靈可呼紙墨欲語乃我亡友同年生趙君介山之遺集

序

也夫才士多窮文章憎達豔稱溫李半世飄蕭寒數島郊
一官拓落羅隱終秀才之號方干追及第之魂才命相妨
古今一概未有半生坎壈忽登黃榜之巍科十載高華終
鬱青霞之奇氣已遭逢之極盛仍時命之堪哀如我介山
者誠古詩人未見之例焉方其乾蔭早傾楹書初授呼貧
共語有母誰將題糕能賦於十齡負米已逾夫百里迨夫

石柏山房詩存

〔清〕趙文楷撰

據復旦大學圖書館藏清咸豐七年
趙昀惠潮嘉道署刻本影印原書
版框高一八六毫米寬二〇二毫米

車偕計吏船號孝廉擘楓亭之荔支攀漢南之楊柳泛櫂
武夷之曲題詩崔顥之樓曉角清笳破帆孤騎中酒阻風
之滋味殘羹冷炙之悲辛天上匏瓜王粲登樓之恨表中
春菟常何作奏之愁未免生花筆乾依蓮幕冷加以春關
待放秋駕淹留券慣租驢巢同旅燕果長安之不易信來
日之大難幾幾乎比郭履穿東方米盡此楚游聞游二草

序

二

所由作爲勞者之歌也繼而緇塵踏徧竟染柳衣黑刼焚
餘忽開蓉鏡名傳三策香冠百花

九陞句臚期霖雨之良佐

丙辰臚傳日 仁廟御製
詩有文楷嘉名期雅正爲霖渴

望副求
賢之句初元

授璽得忠孝之狀頭淮陰本國士無雙李揆乃中朝第一
遂握九天之龍節遠過萬里之瀛洲入關猶認棄繻諭蜀

豈徒乘傳酌酒蛟魚之背鍼辨三更宣威麟麟之衣集成
一品百靈風雨紅燈見而天后扶舟千隊弓刀紫帽趨而
名王負弩於是雲藍染翰銀管濡毫玉冊鐫

恩禮成互古未臣之地弓衣繡句吟到中華以外之天倭
國購穎士之文章雞林誦香山之詩句讀槎上存稿一冊
其遇可謂榮矣其志可謂壯矣而乃屬國初歸已嗟銜恤

序

王

承明未厭遽作監司宦游纔駐夫雁門函問竟同於鵬舍
嘻異矣使其命原貧薄何爲畀以大魁如其才合騰騫何
又奪其中壽一場富貴倏如春夢之婆兩卷珠璣唱出秋
墳之鬼如風輪之起止如日及之榮枯磊落當歌誰爲扳
劍而斫地蒼穹何意吾將呵壁而問天信乎賦命之獨奇
而造物之不可測已嘗合其詩觀之始則泉明飢驅魯公

乞米關河羈旅不無危苦之詞風月登臨大有悲涼之作
卽至卷阿賡唱行邁光華類皆清不取腴麗而有則蓋義
心不離乎苦調而古愁無間於歡區天地商聲雜以羽聲
之慷慨菰蘆窮士終同秋士之幽憂言爲心聲於斯益信
然介山艱難奉母極纏綿乎孝思飄泊依人復峻嶒乎傲
骨王沂公無心溫飽陸敬輿不負生平聞其歿於官署時

序

四

至貧無以殮是則趙清獻之在日琴鶴相隨盧懷慎之初
亡鹽豉而已始終清節出處完人卽無一編亦足千古

承

瀛論交杵臼契極苔岑同詠霓裳官聯蓬島永憶看花之

侶重尋落葉之篇

集中有和余落葉諸作

詩卷長留猥待徐陵而作

序波瀾莫二翻教敬禮以定文難從泉路以論心幾類瞋
臣之躅足嗟乎鍾期長逝敢重彈海上之琴季子歸來待

親掛隴頭之劍

道光九年己丑季秋年端愚弟帥承瀛謹題

序

五

石柏山房詩存目錄

卷首

經進詩

卷一

礫存集

卷二

石柏山房詩存

目錄

一

于京集

卷三

楚游草 閩游草

卷四

遄征集

卷五

槎上存稿

卷六

獨秀草堂存稿

卷七

木天近錄

卷八

石柏山房詩存

目錄

二

補遺

石柏山房詩存卷之首

翰林院修撰臣趙文楷恭譔

嘉慶九年

駕幸翰林院禮成獻頌十六章謹序

昔揚雄長楊賦云藉翰林爲主人子墨爲客卿以風章昭曰翰筆也李善以爲文翰之多若林也唐

石柏山房詩存

卷首

一

翰林院本內供奉之所而特以詞臣書詔於其間其地在銀臺之北自北翰林無學士之名又置東翰林於金鑾殿視草則有臺每草制則具衣冠據臺而書挑鐙起草九制一揮亦極儒臣之榮矣由宋迄元並重斯職明正統間詔建翰林院於長安左門外玉河西岸是鑾坡祕省已在掖垣之外矣

宋明以來祕書史館皆傳巡幸若院署列於禁旁

則臣寮之公廨非敢望乘輿之及也我

高宗純皇帝於甲子之年

幸翰林院書稽古論思集賢清祕二額以顏其堂

賜古今圖書集成一部

錫宴賦詩便蕃獎賚而羣臣之謳思

石柏山房詩存

卷首

二

威德者垂六十年我

皇上孝思浹宙躬奉天經凡

純皇帝經行典禮罔不率由而天下雍雍熙熙三省邪教

悉皆殄滅無遺四方底平文教興起至於嘉慶九

年歲次甲子亦依舊事

幸院署凡

賜額惠書分韻賦詩宴賞諸臣皆如乾隆九年之舊可

謂感矣臣維

皇上有丙辰

授

受事

高宗純皇帝三年祇承顏色一日三朝至於雞鳴問

右柏山房詩存

卷首

三

安冒雨掖

輦誠孝之至皆爲古聖人之所難而率脩厥德徇齊敦敏

以及天下溫溫洵洵至於海外莫不沾溉臣嘗奉

使琉球經涉大海球之君臣兢兢行禮請

安迎

詔之餘皆再拜稽首譯通事而問臣曰

聖天子至仁極厚凡我海外悉皆蒙被惟大海浩渺不

能親覲

聖人之形容惟天使教我臣既以

聖度告之而觀其歡欣鼓舞之意知

皇上之德感之者深也且非獨其人然也維神亦然舟

出五虎門四千餘里皆風清日霽忽東海風雲變

右柏山房詩存

卷首

四

態雷雨轟擁而至舟人曰東海百神來朝

恩詔矣臣肅衣冠挂免朝牌於帆檣之上卽時雷雨歇

止天日清明

詔至球陽風無久作雨亦應時歲則大熟球有朱薯耕

者以爲糧臣至其處六閱月見其豐稔收者至於

暴露球人歡聲載道以爲從前所未有此皆

皇上溥博之所及

福之至卽

德之至也由是知四海之謳思卽

天心眷顧而以

聖繼

聖繼承弗替故武功定而文教昌斯

右柏山房詩存

卷首

五

幸院之所由也孟子曰觀於海者難爲水游於聖人之

門者難爲言臣謹製詩十六章雖不能仰紀

聖德而由此以歌詠太平斯亦史臣之職也拜手稽首

獻曰

翼翼芸臺在城之側檻列鉤陳棟槐宇棘爰居爰

處斯文是職匪曰爲文以迪厥德其一

維我

高宗甲子之春親總

六飛入彼北門離離其

德肫肫其

仁越六十年謳歌如新其二

穆穆

右柏山房詩存

卷首

六

天子孝思維則休德昭清貫行罔易亦越甲子維

先聖是式東觀西垣

駕言來格其三

習習春風颺颺

龍章簫管喤喤和鈴央央詞臣跪止以迓我

皇曰宴於堂載

錫之慶 其四

維我

天子載時養材旋乾轉坤機關闔開蠢彼頑愚潢池喧

厖

天戈一指鏡去塵埃 其五

維我

右柏山房詩存

卷首

七

天子丕丕皇猷一振天聲風行水流凡六合以內至於

海陬莫不率俾以循以由 其六

臣奉

皇言涉彼東海波趙舟輕雙魚奮起雷雨殷殷風雲變

幾曰東海之君來朝

帝旨 其七

木牌飄飄書曰免朝繫如懸苑雨散風消五日爲

期姑米山高隸

聖人之宇滄海何遙 其八

球君迎止球民驚止海不揚波

聖人興止云云南冥日鯢曰鯨

皇言如綸擁衛以經 其九

右柏山房詩存

卷首

八

詔至球陽神人蒙福兩順風和以遂百穀厥有朱薯歲

則三熟其樂融融冷淘粉粥 其十

海有颶風琤琤琮琮無西無東聲來自空矗立海

水撼動魚龍莫爲之防拔木毀宮 其十一

臣之始至南風嫗煦數月於斯風無震怒遺老有

言

帝德布濩海若天吳容容疏附 其十二

中山之王再拜稽首曰我

天子乾健坤厚浩淼波濤難親我

后我

后殊姿臣得聞否 其十三

臣謹告言

石柏山房詩存

卷首

九

帝度溫淳其

仁如天其

知如神萬里紘紘視之若鄰外扞之君親猶內臣 其十四

王心快止王肅拜止

聖人之化罔弗届止以敬以愛不敢云在外世守藩封

兢兢罔懈 其十五

海有瀛洲仙境離離亭以斯名榜蟠蛟螭

天子至止人物諧嬉 臣作頌聲昭示來茲 其十六

石柏山房詩存

卷首

十

石柏山房詩存卷之首

石柏山房詩存卷之一

太湖趙文楷著

礫存集

余年十齡頗能執筆爲詩後以蚤失所怙幾至廢學
然吟詠一道性好之不能輟也家貧甚而好遊故其
爲詩非悲憤之言卽流連之什率爾成詠無復經營

石柏山房詩存

卷一

雖多至千篇不足存也年來刪削再三存者祇百餘
首語云沙之汰之瓦礫在後今之所刪而存者其果

非瓦礫乎

詠百舌 六歲作

桃花紅未了百舌鬧春曉能作百般聲枝頭壓衆鳥

詠荷花 七歲作

一葉復一葉千枝更萬枝昨宵露雨露開徧鳳凰池

九日龍山會飲 十歲作

醉把茱萸殘黃花插滿頭龍歸一潭靜日落萬山秋急管
驚棲鵲長歌和飯牛未知今日事能續古人不

作計遠游行復自止感歎而作

橐筆依人計未然淒涼猶守舊青氈自罹煩惱三千界已

石柏山房詩存

卷一

覺蹉跎二十年素壁寒燈多雨夜斷雲孤雁欲霜天五湖
煙水容吾住會翦荷衣掛釣船

題畫

綠楊陰裏白蘋洲雲影微微夕照收兩岸蘆花數聲雁滿
江秋色一漁舟

發皖口

春水宜城渡孤舟二月天
鴈搖連夜雨帆掛一江煙
挈榼尋邨市沽魚喚釣船
今宵據一醉聊用慰懷然

登廣陵城

自昔繁華地於今一再經
有山皆錦繡無地不樓亭
天入楚吳白江分淮海青
高城重回首煙樹遠冥冥

登金山

右柏山房詩存

卷一

三

日暮碧雲合孤鴻海上來
涼風送秋色蕭瑟滿高臺
萬古此江水東流不可回
故人棄我去懷抱向誰開

古意

美人閉華燭深坐彈瑤琴
一彈未及終淚下沾衣襟
團團素紈扇寂寂雙鴛衾
飛雁從南來哀音動中林
出門拜新月清風生遠岑
姮娥定何處悵望愁雲深
秋草萋以腓紅

顏良易沈嗟余守幽獨
四顧誰知音

紀舊游

昔年曾值百花朝
畫舫春游廿四橋
燈火遙連瓜步月笙歌
直接海門潮
美人贈我珊瑚玦
何以酬之碧玉簫
今日不堪寒食節
落花飛絮兩蕭蕭

采菽

右柏山房詩存

卷一

四

清晨入中園采我園中菽
葉萎根亦死采之不盈斛
太息倚危石坐見東山麓
桑扈羣啞啞飛來集喬木
清風颯然至拂我松與竹
撫茲節序換百族共清穆
提筐入繩戶釋子歡相逐
呼婦開新醕共效堂前祝
紛紛吾守貧賤對此欣
果腹嗟哉良艱辛何日霑微祿

夏日

楊柳陰陰傍畫衙東家燕子入西家一回午夢清如許坐看槐柯日未斜

登黃山 在瀟山縣以山谷得名

昔賢不可作茲山名獨存
竭來古原上將以窮泉源
飛雨西南來蕭然灑孤邨
千里一秋色平沙煙霧昏
言尋活潑堂荆棘日已繁
林際來獨鶴巖畔愁孤猿
憶昔論文時席此傾壺尊
如何數百載堂構成頽垣紛
吾尙元素畏聞塵寰喧
杖策來此地不覺清心魂
溪流靜涓涓蘋藻亦可殮
何時小集成偃卧青松根

游瀟嶽

天高木落溪光寒
山色慘澹陰霾蟠
長風萬里拂霜彩
片片飛入青雲端
我來天柱正秋曉
萬壑千巖極幽渺
須臾

石柏山房詩存

卷一

五

日出天氣清二十七峯盡塵表中
峯突兀高且長壁立千仞摩穹蒼
卻疑造化苦鑄削造此絕境何茫茫
路轉峯迴谿洞改杖策登臨未云怠
東瞻泰岱西蓮華鬱結縈盤接滄海
卻憶武皇巡幸時事經千載艱難追
殘碑斷碣不可見春入桃源花滿枝

秋夜

石柏山房詩存

卷一

六

一陣西風報早寒
秋來無夢到邯鄲
可憐今夜團圓月
多少愁人不忍看

釋言

北方有佳人閉戶泣漣洏借問何鬱鬱
欲語還復遲十三學箏篴十六耽游嬉
二十始知悔許結君子禍自謂奉盤匱
貞心山不移如何毀言至遂令心差池
人言市有虎所